



МОНГОЛ УЛСЫН ЗАСГИЙН ГАЗРЫН ТОГТООЛ

2022 оны 4 дүгээр сарын 20-ны өдөр

Дугаар 161

Улаанбаатар хот

**ГАЗРЫН ТОСНЫ ЗАРИМ БҮТЭЭГДЭХҮҮНИЙ ГААЛИЙН БОЛОН ОНЦГОЙ АЛБАН
ТАТВАРЫН ТАЛААР АВАХ АРГА ХЭМЖЭЭНИЙ ТУХАЙ**

Онцгой албан татварын тухай хуулийн 6.7 дахь хэсэг, "Тогтоолд нэмэлт оруулах тухай" Улсын Их Хурлын 2022 оны 12 дугаар тогтоолын 1 дэх заалтыг тус тус үндэслэн Монгол Улсын Засгийн газраас ТОГТООХ нь:

1. Импортоор оруулж байгаа 92 октантай автобензины гаалийн албан татварыг 2022 оны 4 дүгээр сарын 22-ны өдрөөс 2023 оны 1 дүгээр сарын 1-ний өдөр хүртэл 0 хувиар тогтоосугай.

(Энэ заалтад Засгийн газрын 2022 оны 287 дугаар тогтоолоор өөрчлөлт орсон)

2. "Автобензин, дизелийн түлшний гааль, онцгой албан татварын тухай" Засгийн газрын 2015 оны 1 дүгээр сарын 19-ний өдрийн 18 дугаар тогтоолын 1 дэх заалтыг дор дурдсанаар өөрчилсүгэй:

"1. Импортоор оруулж ирсэн автобензин, дизелийн түлшний онцгой албан татварын хэмжээг 2022 оны 4 дүгээр сарын 22-ны өдрөөс 2022 оны 12 дугаар сарын 31-ний өдрийг дуустал дор дурдсанаар тогтоосугай:

Хилийн боомтын нэр	Онцгой албан татварын хэмжээ			
	Автобензин (шинжилгээний аргаар тогтоосон октаны хэмжээ)			Дизелийн түлш
	80	92	95 болон түүнээс дээш	
1. Цагааннуур, Ярант, Боршоо, Арцсуурь, Тэс, Бургастай, Гашуунсухайт, Шивээхүрэн, Баянхошуу, Бичигт, Хавирга	0	0	0	0
2. Ханх, Ульханмайхан	0		0	0
3. Сүхбаатар, Замын-Үүд, Алтанбулаг	0	0	210,000	0
4. Эрэнцав	0	0	80,000	0

3. Дотоодын зах зээлд борлуулж байгаа дизелийн түлшний хангамж, нийлүүлэлт, жижиглэнгийн үнийг тодорхой түвшинд тогтвортой байлгах талаар холбогдох арга хэмжээг авч, хэрэгжилтэд нь хяналт тавьж ажиллахыг Уул уурхай, хүнд үйлдвэрийн сайд Г.Ёндон, Шударга өрсөлдөөн, хэрэглэгчийн төлөө газар (С.Мөнхчулуун) нарт үүрэг болгосугай.

Монгол Улсын Ерөнхий сайд Л.ОЮУН-ЭРДЭНЭ

Сангийн сайд Б.ЖАВХЛАН



МОНГОЛ УЛСЫН ЗАСГИЙН ГАЗРЫН ТОГТООЛ

2022 оны 7 дугаар сарын 27-ны өдөр

Дугаар 287

Улаанбаатарт хот

ТОГТООЛД ӨӨРЧЛӨЛТ ОРУУЛАХ ТУХАЙ

Онцгой албан татварын тухай хуулийн 6.7 дахь хэсэг, "Тогтоолд нэмэлт оруулах тухай" Улсын Их Хурлын 2022 оны 12 дугаар тогтоолын 1 дэх заалтыг тус тус үндэслэн Монгол Улсын Засгийн газраас ТОГТООХ нь:

"Газрын тосны зарим бүтээгдэхүүний гаалийн болон онцгой албан татварын талаар авах арга хэмжээний тухай" Засгийн газрын 2022 оны 4 дүгээр сарын 20-ны өдрийн 161 дүгээр тогтоолын 1 дэх заалтын "2022 оны 8 дугаар сарын 1-ний өдөр хүртэл" гэснийг "2023 оны 1 дүгээр сарын 1-ний өдөр хүртэл" гэж өөрчилсүгэй.

Монгол Улсын Ерөнхий сайд Л.ОЮУН-ЭРДЭНЭ

Сангийн сайд Б.ЖАВХЛАН